

DIRECTOR Melvin T. Quilotte

REDACCION
Marylies Quilotte
Nathaly Odor
Lisette Quilotte
Natalie Luysterburg
Melvin Quilotte
Nadjezda Vlaun

**Bo MUNDO
di DEPORTE** Mario Croes Jr.
Melvin Quilotte

FOTOGRAFIA Mario Croes Jr.
Melvin Quilotte

DESIGN & LAYOUT

**Multi
Media
International NV**
Tel: 8 39 0 39 Fax: 8 3 01 02

DANKI NA

Walter Oudeber

Alcides Quilotte
Babu Hock
Comerciantenan cu ta sostene
door di anuncia den Pan Cayente



IMPRESA
INTERPRINT
OFFSET-PRINTING

PA AVISO

Jacky Tromp
Cel.: 934810



Belgiestraat 14 Tel/Fax 820213

PA SUGERENCIA

KISS
Belgiestraat 14
Tel/Fax 820213

DISTRIBUCION

10.000
EHEMPLAR PA EDICION

PRODUCI PA

KISS
BO MUNDO DI DEPORTE

Bo Mundo Di
deporte



Cas di Torta

Awor cu Aruba ta mas conciente riba conservacion di su naturalesa y monumentonan cultural nos no por keda sin menciona un cas masha special, ta trata di e "Cas di Torta".

Meimei di e parti di naturalesa cu a keda intacto na un haltura di 188 meter nos ta topa cu un "Cas di Torta". No menos cu 20 aña pasa STINAPA (1978) a mostra riba e hecho cu mester bay over na conserva e area rond di e parti montañoso di Arikok y Jamanota y e area rond di Spaans Lagoen. For di eynan a nace e area cu nos conoce awe como Parke Nacional Arikok cu ta tuma un quinto parti di e superficie di nos isla. Di akinan tambe a sali un plan cu ta encera restauracion di e "Cas di Torta".

E nomber "Cas di Torta" ta deriva di e hecho cu e parti afor di e murayanan y e dak ta wordo forma di un sorto di klei. Di e Casnan di Torta cu a resta por mira cu e murayanan ta consisti di "pilarnan" di palonan rondo cu ta wordo poni na un distancia di mei meter for di otro. E espacio entre nan ta wordo yena cu takinan gevelecht den otro. Riba e "pilarnan" ta bin drumi un otro palo rondo riba cua ta bini e "balkinan" di e dak. Loke ta cubri e dak ta consisti di e parti meimei ya den forma seco di e cadushinan largo. E totalidad di e murayanan y e dak na e partinan pafor ta wordo gesmeer cu un sorto di klei stabilisa cu e yerba paragras. (Paragras ta un yerba cu ta bini originalmente di Pará, un lugar na Brazil).



E structura basico di e cas ta simpel. Mayoria di biaha e cas tabata wordo parti den dos parti. Den algun caso e cas tabata wordo amplia cu un espacio adicional caminda cu e cushina tabata bini cu e lugar pa warda awa.

E lugar di origen di casnan aki ta indudablemente e isla di Paraguana, cu tin un clima similar na esun di Aruba. Segun Nijdam (1966) y Alphen (1979) probablemente e forma di construccion aki a

bini tempo cu e Spañonan a huy for di Venezuela tempo di e guerra pa libertad di Venezuela. Saliendo for di punto di bista aki por deduci cu for di aña 1815 e metodo aki a bini Aruba y a keda te rond di 1925. Despues di 1900 cu e casnan construi a base di piedra di kalki a keda introduci a sigui usa e daknan di torto pasobra e daknan di panchi tabata mas bien pa e riconan. Esnan cu ainda ta existi na Parke Nacional Arikok ta un parti esencial di e fundeshi di nos cultura.

Fuente: Arubaanse Akkoord